

24

5. marz

3 gr.

Unglingum innan 16 ára aldurs er bannaður aðgangur að almennum dansstöðum, öldrykkju- og knattborðsstofum. Þeim er og bannaður aðgangur að almennum kaffistofum eftir klukkan 21, nema í fylgd foreldra eða fullorðinna, er falið hefur verið að sjá um þá.

Eigendum og umsjónarmönnum slíkra fyrirtækja ber að sjá um, að börn eða unglingar fái þar ekki aðgang eða hafist þar við.

4. gr.

Ekki má leyfa unglingum innan 16 ára aldurs aðgang að kvikmyndasýningum, nema leyfi barnaverndarnefndar (skólanefndar) komi til.

5. gr.

Bannað er að selja unglingum innan 16 ára aldurs tóbak, gefa þeim það, eða stuðla að því að þeir neyti þess eða hafi það um hönd. Sama gildir og um aðrar munaðarvörur, sem að dómi lækna geta talizt hættulegar fyrir börn.

6. gr.

Brot gegn ákvæðum reglugerðar þessarar varða sektum nema þyngri refsing liggji við samkvæmt almennum hegningarlögum.

Reglugerð þessi, sem sett er samkvæmt heimild í lögum nr. 39/1947, um vernd barna og ungmenna, öðlast þegar gildi.

Í menntamálaráðuneytinu, 5. marz 1959.

Gylfi Þ. Gíslason.

Birgir Thorlacius.

25

6. marz

REGLUGERÐ

um útflutning hrossa.

1. gr.

Öll skip, sem notuð eru til útflutnings hrossa frá Íslandi til útlanda, skulu fullnægja þeim fyrirmælum um útbúnað til geymslu hrossanna, sem sett eru í þessari reglugerð.

Á sama skipi og flytur hross frá Íslandi má ekki samtímis flytja hross frá öðrum löndum.

Ef um er að ræða skip, sem áður hafa verið notuð til flutninga á erlendum gripum, skal skipstjóri skýra hlutaðeigandi lögreglustjóra skriflega frá því, og skal skipið þá sótthreinsað á kostnað skipaeigenda, samkvæmt fyrirsögn embættisdýralæknis, ef hann telur þörf á því.

2. gr.

Hross má ekki flytja milli landa á öðrum skipum en þeim, sem eru traust og örugg að dómi skipaskoðunar ríkisins og geti haft 10 sjómílna ganghraða á klukkustund.

Hross má ekki flytja á þilfari frá Íslandi til annarra landa á öðrum tíma árs en frá 15. júní til septemberloka. Skýla skal hrossum gegn sjó og veðri með ábreiðum

eða seglum, sem fest eru á sterka grind og skal tryggt að útbúnaður til þess sé fyrir hendi á skipinu. 25

6. marz

3 gr.

Hross skal hafa í stíum eða básum svo traustgerðum, að ekki bili þótt þau hross, sem í þeim eru, kastist á veggina í sjógangi. Stíur og básar skulu gerðir úr tré, burðarviðir úr plönkum 2"×6" eða gildari og bitar boltaðir saman með járnboltum (¼") eða járnbendir, eða útbúnað jafn tryggilega á annan hátt. Stíuveggir og milli-gerðir skulu ekki vera lægri en hæð meðalhests á herðakamb. Við útbúnað stíanna skal þess gætt, að hrossin geti hvergi fest fatur á milli bita og hvergi séu skarpir kantar eða horn, sem valdið geti meiðslum á hrossunum. Í hverri stíu skal ekki hafa fleiri en 6 hross.

Stíubreidd skal vera rúmlega hestlengd, svo að nægilegt rými sé til gjafa og brynningar. Fyrir hvert fullvaxið hross skal ætla ca. 70 cm breidd á jötu, eftir stærð og ástandi hrossanna.

Að hverri stíu og bás skal vera greiður gangur, að minnsta kosti 0,50 m breiður, er eigi má teppa, svo að ávallt sé auðvelt að komast að hrossunum til brynningar, gjafa og eftirlits. Gólf skal strá sandi eða öðru, er gerir þau óskreip. Svo skal til haga, að hrossin snúi þvert í skipinu. Hross má eingöngu binda með mjúku múlbandi, meðan á flutningi stendur, og ávallt skal hafa hross ójárnud, meðan á flutningi stendur.

4. gr.

Þegar hross eru flutt undir þiljum, skal þess gætt, að birta sé nægileg og jöfn svo að unnt sé þess vegna að hafa nægilegt eftirlit með öllum hrossum í lestinni. Svo skal um búnað, að nægileg loftræsting sé þar, sem hross eru geymd, þótt loka þurfi lestum til fulls einhvern tíma. Fóður og vatn skal geymt svo nálægt hrossunum, að það sé jafnan tiltækt og gæta skal þess, að það spillist ekki af sjó eða vatni.

5. gr.

Nú skal flytja hross með sérstökum gripaflutningaskipum og skal þá viðkomandi embættisdýralæknir fullvissa sig um eftirgreind atriði, áður en heimilt er að hefja útskipun hrossa á skipið. Að skjöl skipstjóra sanni, að skipið hafi viðurkenningu sem hæft til gripaflutninga. Að útbúnaður allur, er lýtur að geymslu og meðferð gripanna sé í fullkomnu lagi. Að fullkomin og tryggileg sóttþreinsun hafi farið fram á öllum gripageymslum skipsins, eftir að síðustu flutningum lauk, og skal skipstjóri gefa skriflega yfirlýsingu um það. Enn fremur skal dýralæknir ákvarða, hve mörg hross flest megi flytja með skipinu með hliðsjón af stærð og rými gripageymslna.

6. gr.

Á hverju skipi, sem flytur hross til útlanda, skal skipstjóri sjá fyrir nægum og hæfum mannafla til þess að gæta hrossanna, gefa þeim og brynna. Eigi skal ætla einum manni hirðingu og gæzlu á meir en 30 hrossum.

Fóðra skal hross og brynna þeim að minnsta kosti tvisvar á sólarhring hverjum og ætla skal að minnsta kosti eitt brynningaráhalð fyrir hver 4 hross.

Dýralæknir sá, sem eftirlit hefur með útflutningi hrossa á hverjum stað, skal ganga úr skugga um það, að nægilegt fóður og drykkjarvatn sé í skipinu handa hrossunum á leiðinni. Skal fóður eigi vera minna en 7 kg af góðu en ekki of kjarnmiklu heyi á dag fyrir hvert fullorðið hross, miðað við áætlun skipsins og ætla skal hverju hrossi að minnsta kosti 20 lítra af góðu vatni dag hvern.

Dýralæknir skal gefa skipstjóra skriflega yfirlýsingu um, að vatns og fóðurbirgðir séu nægar miðað við hrossafjölda og áætlun skipsins, áður en skipið lætur úr höfn.

25 Á skipinu skal vera tiltækt hentugt skotvopn, ef gæzlumenn þurfa að lóga
6. marz hrossi vegna lemstra.

7. gr.

Að lokinni hverri ferð með hross til útlanda, skal skipstjóri láta landbúnaðar-ráðuneytinu í té skýrslu um líðan hrossanna á leiðinni og upplýsingar um, hvort nokkurt þeirra hafi slasast eða drepizt og, ef unnt er, af hvaða orsökum. Senda skal slíka skýrslu til landbúnaðarráðuneytisins innan mánaðar frá því hrossunum var skipað á land í erlendri höfn.

8. gr.

Áður en hross eru flutt úr landi, hvort heldur er til einstakra manna eða á markað, skulu þau skoðuð af dýralækni á útflutningsstað. Skylt er útflytjanda að tilkynna dýralækni þeim, er skoðun á að annast, um fyrirhugaðan útflutning hrossanna með viku fyrirvara að minnsta kosti, og hrossin skulu komin til skoðunar á útskipunarstað eigi síðar en sólarhring fyrir brottför skipsins.

Ef um mörg hross er að ræða, eða ef gera þarf á hrossunum sérstök próf vegna útflutnings til ákveðinna landa, getur dýralæknir krafizt þess, að fá hrossin til skoðunar allt að þremur dögum áður en skipa á þeim um borð. Skylt er útflytjanda eða umboðsmanni hans að veita dýralækni næga aðstoð við skoðun, prófun og merkingu hrossanna, svo að starfið geti gengið sem greiðlegast.

9. gr.

Dýralæknar þeir, sem annast skoðun á hrossunum til útflutnings, skulu hafa eftirlit með því, að hrossin verði ekki fyrir slæmri meðferð við útskipun og geymslu á útflutningsstað. Þeir skulu skoða nákvæmlega öll þau hross, sem flytja á á erlendan markað. Þeim er skylt að kyrrsetja og banna útflutning á hrossum, sem eru mögur og illa útlitandi, meidd, hölt, með mjög snúna hófa, áberandi skakka eða hnýtta fætur, áberandi bilun í fótum, eða með öðrum verulegum lýtum og göllum, en veruleg eru lýti og gallar, þegar þau spilla að mun útliti hrossins eða rýra notagildi þess eða valda slæmri líðan hrossanna. Fylfullar hryssur, sem nokkrar líkur eru til að kasti á leiðinni, skulu kyrrsettar, og ef um fýlsugur er að ræða, skal venja folöldin undan að minnsta kosti tveim vikum áður en hryssurnar eru fluttar á skipsfjöl.

10. gr.

Ef eigandi hrossa óskar eftir að fá heimild til þess að flytja út stóðhest eða kynbótahryssu, sem tekin hefur verið í ættbók, skal hann senda um það skriflega umsókn til landbúnaðarráðuneytisins. Umsókninni skulu fylgja upplýsingar um aldur hrossins, lit, ætt þess og uppruna, sem og upplýsingar um afkvæmi, eftir því sem hægt er.

Óheimilt er að veita öðrum en hrossaræktarsamböndum leyfi til útflutnings á stóðhestum allt að 8 vetra gömlum, enda hafi önnur hrossaræktarsambönd hafnað forkaupsrétti á hestum þessum.

Heimild ráðherra sé afhent dýralækni þeim sem annast skoðun útflutningshrossa.

11. gr.

Sá sem flytur út hross á tímabilinu 1. október til 1. júní, skal tilkynna það dýralækni á viðkomandi útflutningshöfn viku áður en útskipun á að fara fram, og skal hann þá hafa aflað sér heimildar landbúnaðarráðuneytisins og Búnaðarfélags Íslands fyrir útflutningnum.

12. gr.

Dýralæknir sá, er skoðun annast skal semja skrá yfir hin útfluttu hross í áframhaldandi töluröð og láta spjaldmerkja hvert hross, þar sem tilgreind er skráning-

artala þess og, ef krafizt er, einnig kynferði, aldur, litur og hæð hrossins. Útflytjandi skal leggja til nægilega vönduð merkisþjóld. **25**

6. marz

Dýralækni og skipstjóra er einnig skylt að láta fylgja farmskrá skipsins vottorð um aldur, útlit og heilbrigði hrossanna á útskipunardegi í samræmi við kröfur um heilbrigðisvottorð, sem gerðar eru á hverjum tíma í löndum þeim, sem hrossin eru flutt til.

Ef krafizt er sérstakra prófa á hrossunum til ákveðinna landa, er skoðunar-dýralækni skylt að framkvæma slík próf, enda sé honum tilkynnt um það með nægum fyrirvara.

Greiðslu fyrir slík próf skal útflytjandi inna af hendi í samræmi við gjaldskrá fyrir dýralækna eins og hún er ákveðin á hverjum tíma af landbúnaðarráðuneytinu. Dýralæknum er óheimilt að framkvæma skoðun á hrossum til útflutnings, sem hann á sjálfur eða lætur flytja til útlanda.

13. gr.

Dýralækna skulu við lok hvers árs senda landbúnaðarráðuneytinu skýrslu um útflutt hross, aldur þeirra, kyn og lit, hvenær og með hvaða skipi hrossin voru flutt.

Þá skulu þeir jafnframt senda skýrslu um tölu kyrrsettra hrossa og skýra frá orsökum þeim, er til þess lágu, að hrossin voru kyrrsett.

14. gr.

Brot gegn ákvæðum reglugerðar þessarar varða sektum frá 2000 til 20000 kr., er renna í ríkissjóð. Með mál, er rísa kunna út af brotum á ákvæðum reglugerðarinnar, skal farið sem almenn lögglumál.

15. gr.

Reglugerð þessi er gerð samkvæmt lögum um útflutning hrossa, nr. 64 26. nóv. 1958, og birtist til leiðbeiningar og eftirbreytni öllum, sem hlut eiga að máli. Jafnframt staðfestingu þessarar reglugerðar eru úr gildi fallin reglugerð nr. 143 10. des. 1908 og erbr. nr. 145 22. des. 1908.

Landbúnaðarráðuneytið, 6. marz 1959.

Friðjón Skarphéðinsson.

Þorv. K. Þorsteinsson.

REGLUGERÐ

um kærufrest varðandi skatt á stóreignir.

26

6. marz

1. gr.

Frestur til að kæra til skattstjórans í Reykjavík og ríkisskattaneftndar skatt á stóreignir, lagðan á hlutfjár- og stofnsjóðseignir skal vera 20 dagar frá því tilkynning um skattaákvörðun eða kærúrskurðun er póstlögð.

2. gr.

Reglugerð þessi, sem sett er samkvæmt heimild í lögum nr. 44/1957 um skatt á stóreignir, sbr. og lög nr. 46/1954, öðlast þegar gildi.

Fjármálaráðuneytið, 6. marz 1959.

Guðm. Í. Guðmundsson.

Sigtr. Klemenzson.